

## **Opitz, Martin: Sonnet an die Bienen (1624)**

1     Ihr Honigvögelein/ die jhr von den Violen/  
2     Vnd Rosen abgemeit den wundersüßen Safft/  
3     Die jhr dem grünen Klee entzogen seine Krafft/  
4     Die jhr das schöne Feldt so offt vnd viel bestohlen/  
5     Ihr Feldt einwohnerin/ was wollet jhr doch holen  
6     Das/ so euch noch zur Zeit hat wenig nutz geschafft/  
7     Weil jhr mit Dienstbarkeit deß Menschen seit behafft/  
8     Vnd jhnen mehrentheils das Honig müsset Zollen?  
9     Kompt/ kompt zu meinem Lieb/ auff jhren Rosenmundt/  
10    Der mir mein kranckes Hertz gantz jnniglich verwundt/  
11    Da solt jhr Himmelspeiß vnd vberflüssig brechen:  
12    Wann aber jemandt ja sich vnderstehen kundt  
13    Ihr vbel anzuthun/ dem sollet jhr zur stundt  
14    Für Honig Galle sein/ vnd jhn zu tode stechen.

(Textopus: Sonnet an die Bienen. Abgerufen am 23.01.2026 von <https://www.textopus.de/poems/10600>)